

**AKTI I THEMELIMIT  
DHE  
STATUTI I SHOQERISE TREGTARE**

**“ALBANIA OPEN AIR” SH.P.K.**

Ne baze te Ligjit nr. 9901, date 14.04.2008 “Për Tregtarët dhe Shoqëritë Tregtare” dhe ne Ligjin nr. 9723 date 03.05.2007 “Per Qendren Kombetare te Regjistrimit”, **sot ne date 27.09.2021** unë i nënshkruari, Alket Islami lindur me datë 08.04.1965 në Tirane, banues ne adresen Kodra e Diellit, Rruga e Ullinjve Nr 104, Tirane me nr personal G50408042P, karte ididentiti nr 036723021, shpall si me poshte vijon:

**NENI 1  
EMËRTIMI**

Formohet Shoqeria me përgjegjësi të kufizuar e quajtur **“ALBANIA OPEN AIR”** (me poshte do te quhet Shoqeria).

**NENI 2  
SELIA E SHOQËRISË**

- 2.1. Selia zyrtare e Shoqerise Tregtare “ALBANIA OPEN AIR” Shpk., ndodhet ne adresen: Kodra Diellit, Rruga “Ullinjve” Nr 104, Njesia Bashkiake nr 13, Tiranë, Shqipëri.
- 2.2. Asambleja e Përgjithshme mund të vendosë të transferojë selinë e Shoqërisë në një adresë tjetër. Organi administrativ i Shoqërisë mund te hape edhe seli te tjera operative, filiale, perfaqesi dhe agjenci ne te gjithë territorin e Republikës së Shqipërisë si dhe jashte saj.

**NENI 3  
KOHËZGJATJA**

Kohezgjatja e veprimtarise ekonomike e Shoqerise eshte e pakufizuar.



## NENI 4

### OBJEKTI I VEPRIMTARISE

4.1. Objekti i veprimtarise ekonomike i Shoqerise është:

- Turizmi sportiv shqiptar.
- Organizimi i sherbimit te fluturimeve, ne te gjitha llojet e sporteve te ajrit si parashutizem, fluturim i lire, fluturim me motor, ballona me ajer te nxehte, aviona super te lehte.
- Organizimin i guidave dhe tureve TURISTIKE, sportive.
- Botimet te revistave apo librave me karakter turistik sportiv.
- Import-Eksporti i artikujve që kanë të bëjnë me fluturimin.
- Trajnime per sportet e ajrit, te parashutizmit, te planereve, te fluturimeve te balonave me gaz e tjere. Kurse trajnimi per instruktoret dhe pilotet.
- Sherbime reklamimi.
- Ngritja e kampingjeve ne zona malore e detare.
- Organizimi i eventeve sportive, kulturore ne fushen e turizmit sportiv shqiptar, etj

4.2. Shoqeria kryen çdo lloj veprimtarie te dobishme per arritjen e objektivit te saj, duke perfshire dhe pjesemarrje direkte ose indirekte ne kuota dhe aksione ne shoqeri dhe ndermarrje te tjera, Shqiptare ose të huaja, me aktivitet të ngjashëm

4.3. Kjo Shoqeri mund te ndryshoje emertimin e saj, vendqendrimin, objektin e aktivitetit, te shtojte ortakë apo te rrise kapitalin sipas vendimeve te Asamblese se Përgjithshme.

## NENI 5

### KAPITALI THEMELTAR

5.1. Kapitali themeltar i Shoqerise eshte prej 100,000 Lekë (njqind mije Lekë) dhe i ndare ne 1 kuotë me vlere 100,000 leke.

5.2. Kapitali derdhet dhe nënshkruhet plotësisht nga Ortaku i Vetëm i Shoqërisë.

5.3. Asnjë nga ortakët nuk mund të transferojë kuotat respektive që kanë në Shoqëri pa miratimin me shkrim të ortakëve të tjerë. Ky statut kushtëzon kalimin e kuotave të tretëve jashtë shoqërisë me miratimin e shoqërisë dhe të drejtën e parablerjes në favor të shoqërisë apo ortakëve të tjerë. Brenda 30 ditësh nga oferta për blerjen e kuotave nga ortakët e tjerë, ata duhet të vendosin nëse do ta blejnë kuotën apo nëse janë dakort për transferimin apo shitjen e saj tek një i tretë sipas kërkesës së ortakut shitës.

5.4. Asambleja e Përgjithshme vendos për zvogëlimin ose rritjen e kapitalit të Shoqërisë.





## NENI 6

### ASAMBLEJA E PËRGJITHSHME

- 6.1. Asambleja e Përgjithshme është organi me i larte i Shoqërisë. Asambleja e Përgjithshme vendos për çdo çështje për të cilat është kompetente në bazë të legjislacionit shqiptar dhe këtij Akt Themelimit e Statuti.
- 6.2. Çdo ortak ka të drejtë të marrë pjesë në mbledhjet e Asamblesë së Përgjithshme, të shprehë vullnetin e tij dhe të votojë në përpjesëtim me pjesëmarrjen e tij në kuotat e Shoqërisë.
- 6.3. Secili ortak mund të caktojë një përfaqësues në mbledhjet e Asamblesë së Përgjithshme. Përfaqësuesi mund të jetë një ortak tjetër ose një i tretë i autorizuar me shkrim.
- 6.4. Mbledhjet e Asamblesë së Përgjithshme mund të mbahen brenda territorit të Republikës së Shqipërisë ose jashtë saj. Ortakët ose përfaqësuesit e tyre mund të marrin pjesë në mbledhjet e Asamblesë nëpërmjet mjeteve elektronike, duke përfshirë telekonferencat dhe/ose videokonferencat.
- 6.5. Asambleja e Përgjithshme thirret nga Administratori ose nga çdo ortak, në bazë të nenit 84 të ligjit Nr. 9901, datë 14.04.2008 “Për tregtarët dhe Shoqëritë Tregtare”. Thirrja e Asamblesë së Përgjithshme duhet të bëhet me njoftim me shkrim, nëpërmjet telefaksit ose letrës rekomande, apo nëpërmjet postës elektronike dhe i njoftohet të gjithë ortakvë të paktën 7 (shtatë) ditë përpara datës së përcaktuar për mbledhjen. Njoftimi duhet të përmbajë çështjet e ditës për diskutim, vendin, datën dhe orën e mbledhjes.
- 6.6. Asambleja e Përgjithshme thirret të paktën një herë në vit, brenda 6 (gjashtë) muajsh nga data e mbylljes së viti ushtrimor.
- 6.7. Për çështje të cilat vendosen me shumicë të thjeshtë votash, mbledhja e Asamblesë së Përgjithshme do të jetë e vlefshme vetëm nëse në të marrin pjesë ortakët me të drejtë vote, që përfaqësojnë më shumë se 30% të kapitalit të Shoqërisë, në përputhje me nenin 86, pika , të ligjit Nr. 9901, datë 14.04.2008 “Për tregtarët dhe Shoqëritë Tregtare”.
- 6.8. Asambleja e Përgjithshme, për ndryshime në Aktin e Themelimit dhe Statutit, rritjen ose zvogëlimin e kapitalit, shpërndarjen e fitimeve, riorganizimin dhe shpërbërjen e Shoqërisë, vendos me  $\frac{3}{4}$  e votave të ortakëve pjesëmarrës në mbledhje, në përputhje me nenin 87, pika , të ligjit Nr. 9901, datë 14.04.2008 “Për tregtarët dhe Shoqëritë Tregtare”.

## NENI 7

### ADMINISTRIMI

- 7.1. Shoqëria do të administrohet nga një ose më shumë administratorë, të emëruar për një periudhë maksimale prej 5 (pesë) vjetësh. Administratori caktohet në Statutin e Shoqërisë, dhe më pas emërohen, riemërohen ose shkarkohen nga Asambleja e Përgjithshme. Aktualisht, Shoqëria do të administrohet nga një Administrator.
- 7.2. Administratori gëzon të drejta të plota në drejtim të administrimit të Shoqërisë dhe mund të kryejë çdo veprim që e konsideron të nevojshëm për përmbushjen e objektit të Shoqërisë,





përveç veprimeve që janë në kompetencë të Asamblesë së Përgjithshme apo të organeve të tjera të Shoqërisë. Administratori është përgjegjës për të gjitha veprimet e kryera gjatë administrimit të Shoqërisë dhe gjithashtu mund të caktojë përfaqësues për kryerjen e veprimeve për llogari të Shoqërisë. Në çdo rast, caktimi i përfaqësuesit nuk e përjashton Administratorin nga përgjegjësia.

- 7.3. Asambleja e Përgjithshme vendos për shpërblimin e Administratorit.
- 7.4. Administratorët nuk mund të marrin borxhe nga Shoqëria apo të japin garanci në emër e për llogari të Shoqërisë në lidhje me borxhe apo investime të dhëna nga palë të treta.
- 7.5. Administratori do të veprojë gjithmonë në interesin më të mirë të Shoqërisë. Në rast konflikt interesi, Administratori do të njoftojë menjëherë ortakët, si dhe do të abstenojë nga përmbushja e ndonjë veprimi që lidhet me situatën e konfliktit të interesit deri në marrjen e udhëzimeve nga Asambleja e Përgjithshme.
- 7.6. Administrator i shoqërisë është **Alket Islami**, shtetas Shqiptar, lindur në Tirane me datë 08.04.1965, dhe banues në Tirane, në adresën Kodra e Diellit, Rruga e Ullinjve Nr 104 me nr. Personal **G50408042P**, për një periudhë 5 (pesë) vjeçare.

## NENI 8

### VITI FINANCIAR

Viti financiar i Shoqërisë fillon në 1 Janar dhe mbyllet në 31 Dhjetor të çdo viti. Përjashtimisht, viti i parë financiar fillon nga data e regjistrimit të Shoqërisë në Qendrën Kombëtare të Biznesit dhe mbyllet me 31 Dhjetor.

## NENI 9

### KONTROLI FINANCIAR

Kontrolli financiar i Shoqërisë do të kryhet nga Eksperti Kontabël i Regjistruar konform legjislacionit shqiptar në fuqi. Asambleja e Përgjithshme emëron një ose më shumë Ekspert Kontabël të Regjistruar.

## NENI 10


### BILANCI VJETOR

Bilanci vjetor, raporti i administrimit, inventaret dhe llogarite vjetore të hartuara nga eksperti Kontabël i Regjistruar i nënshtrohen miratimit të Asamblesë së Përgjithshme brenda një afati prej 6 muajsh, duke filluar nga data e mbylljes së vitit financiar.

## NENI 11

### DIVIDENTI

Në përputhje me dispozitat ligjore, Asambleja e Përgjithshme vendos mbi shpërndarjen e dividendit në bazë të rezultatit financiar të Shoqërisë.



**NENI 12**  
**ZGJIDHJA E MOSMARRËVESHJEVE**

Çdo mosmarrëveshje që mund të lindë mes ortakëve të Shoqërisë, administratorit, likuidatorit, Shoqërisë dhe të tretëve, do të zgjidhen nga Gjykata e Rrethit Gjyqësor Tiranë.

**NENI 13**  
**HARTIMI I AKTIT**

Ky Akt themelimi dhe Statut hartohet në 2 (dy) kopje në gjuhën shqip.

**NENI 14**  
**DISPOZITA TE PERGJITHSHME**

Shoqëria do të ushtrojë aktivitetin në përputhje me Aktin e Themelimit dhe Statutin, dhe me legjislacionin shqiptar në fuqi. Përsa nuk është shprehur në këtë Statut, do të zbatohet ligji 9901, datë 14.04.2008 “Për tregtarët dhe shoqëritë tregtare”.

**ORTAKU I VETËM I SHOQËRISË**  
**“ALBANIA OPEN AIR” SHPK**

**ALKET ISLAMI**

